

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республика мутасын меститчысь уна патераа керкаясын өтувья эмбур капиталнӧя дзоньталӧмсӧ котыртӧм йылысь» Коми Республикаса Оланпаслӧн 5 статьяӧ вежсьӧмьяс пыртӧм йылысь

Примитӧма Коми Республикаса
Каналан Сӧветӧн

2024 вося косму тӧлысь 24 лунӧ

1 статья. Пыртны «Коми Республика мутасын меститчысь уна патераа керкаясын өтувья эмбур капиталнӧя дзоньталӧмсӧ котыртӧм йылысь» Коми Республикаса Оланпаслӧн 5 статьяӧ (Коми Республикаса канму власьт органьяслӧн индӧд-тшӧктӧмьяс, 2013, 17 №, 351 ст.; 2014, 9 №, 114 ст.; 13 №, 199 ст.; 2015, 7 №, 76 ст.; 21 №, 288 ст.; 2016, 4 №, 61 ст.; 17 №, 222 ст.; 18 №, 255 ст.; 2017, 5 №, 87 ст.; 26 №, 456 ст.; 2018, 4 №, 56 ст.; 10 №, 165 ст.; 14 №, 245 ст.; 2019, 8 №, 104 ст.; 15 №, 213 ст.; 20 №, 301 ст.; 2020, 22 №, 370 ст.; 2021, 6 №, 111 ст.; 22 №, 400 ст.; 2022, 9 №, 113 ст.; 2023, 5 №, 77 ст.; 2023, 11 №, 210 ст.) татшӧм вежсьӧмьяс:

1 юкӧнын:

1) содтыны татшӧм сюрӧса выль коймӧд абзац:

«Урчитны уна патераа керка юкӧнын меститчӧм жырьяс кийн кутысьяслы, кутшӧмӧс пыртӧма уджӧ капиталнӧя дзоньталан дінму уджтас вынсьӧдӧм бӧрын да мый йылысь тӧдмӧгьяссӧ петкӧдлӧма тайӧ уджтасын сэтчӧ вежсьӧмьяс пыртигӧн, кутшӧмьяс йитчӧмаӧсь тайӧ уна патераа керкалысь параметрьяссӧ вежӧмкӧд, капиталнӧя дзоньталӧм вылӧ взносьяс мынтӧм серти кывкутана мог артман кадколаст – капиталнӧя дзоньталан дінму уджтасӧ тайӧ абзацын индӧм вежсьӧмьяс пыртан кадпассянь нӧль во. Капиталнӧя дзоньталӧм вылӧ взносьяс мынтӧм серти кывкутана мог артман кадпассянь уна патераа керкалӧн индӧм юкӧнын меститчӧм жырьяс кийн кутысьяс мынтӧны капиталнӧя дзоньталӧм вылӧ взносьяссӧ капиталнӧя дзоньталан фонд артмӧданног индӧм йылысь помшуӧм серти, кутшӧмӧс примитӧма да збыльмӧдӧма татшӧм уна патераа керкаын жырьяс кийн кутысьясӧн уна патераа керкалысь индӧм юкӧнсӧ уджӧ пыртан кадпасӧдз сэк, кор тайӧ кадпас бӧрын татшӧм уна патераа керкаын жырьяс кийн кутысьяс эз примитны мӧд помшуӧм.»;

2) коймӧд абзацын «мӧд абзацӧн урчитӧм случай кындзи» кывьяс вежны «мӧд да коймӧд абзацясӧн урчитӧм случайяс кындзи» кывьясӧн.

2 статья. Тайӧ Оланпасыс вынсялӧ сійӧс официалнӧя йӧзӧдан лун бӧрын дас лун кольӧм мысти.

Коми Республикаса Юралысь

В.В. Уйба

Сыктывкар

2024 вося ода-кора тӧлысь 2 лун

19-РЗ №